



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divi Bambergenses S. Henricvs Imperator S. Kvnegvndis
Imperatrix S. Otho Episcopvs**

Gretser, Jacob

Ingolstadii, 1611

XI. Diploma Lotharij Jmperatoris.

urn:nbn:de:hbz:466:1-41527

Diploma Lotharij Imperatoris.

IN nomine Domini nostri IESU Christi Dei æterni, Lotharius diuina ordinante prouidentia Imperator Augustus. Quia confessio delictorum non minus in aduersis necessaria est, quàm in prosperis, & cor contritum & humiliatum Deus non despicit; gaudium etiam esse Angelorum in cælo super vno peccatore pœnitentiam agente; non dubitamus mortales in terris; eos nequaquam despiciamus; pro quibus gaudere Angelos in cælo diuino testimonio non ignoramus; accusantes, & reprehendentes in excessibus semetipsos, diuina nos benignitas non condemnare, sed recreare docuit; quæ meretricem non solum à legali damnatione eripuit; verùm etiam publicanum humiliatum, & accusantem se, non condemnauit, sed magis iustificando exaltauit. qui, non dixit, *omnis qui se humiliat condemnabitur, sed, exaltabitur.* Potestatem ergò, quam pro causa nostra raptus perdidisti, repetentibus Ecclesiæ suæ filiis, præsentibus quoque astantibus, ac decernentibus Præsulibus, sedem ac diocesim, Remensis Urbis tibi N. restituimus, vt pristino sanctæ largitatis Apostolicæ pallio indutus; concordiam, atque gratiam diuini Officij nobiscum humili satisfactione expleas, solenni nostra largitate recipiendo exerceas. N. Episcopus assensu. N. Archiepiscopus cum cæteris plurimis presbyteris, ac diaconibus publicè assistentibus. Actum in N. Palatio publico, in mense Iunio 1 x. Cal. Iul., regnante & Imperante Domino Lothario Cæsare, anno reuersionis eius primo, cum esset successor factus Patris in Francia. Indict. III.



Vu 3 Diplo.